

— Rekomendasaun Xave

VIOLÉNSIA KONTRA LABARIK IHA TIMOR-LESTE NO VULNERABILIDADE BA KONSEKUÉNSIA NEGATIVU BAINHIRA ADULTU LIGA HO SAÚDE NO VIOLÉNSIA

ANALIZA DADUS SEKUNDÁRIU HUSI
ESTUDU LEVANTAMENTU BAZE
KONA-BA SAÚDE NO ESPERIÉNSIA
MORIS





Kontestu

BAZEIA BA ANÁLIZE BA DADUS SEKUNDÁRIU HUSI ESTUDU LEVANTAMENTU BAZE KONA-BA SAÚDE NO ESPERIÉNSIA MORIS,

Rekomendasaun Xave ida-ne'e fó rezumu kona-ba interseksaun importante sira entre violéncia kontra labarik no violéncia kontra feto iha Timor-Leste no diskute implikasaun ba polítika no programasaun relasiona ho esforsu sira hodi prevene violéncia.

Evidéncia globál kona-ba prevalénsia no intervensaun sira hodi prevene violénsia kontra labarik


Violénsia Kontra Labarik (VKL) nu’udar epidemia globál. Iha mundu tomak, labarik hamutuk biliaun ida ho tinan 2 to’o 17 esperiéncia ona violénsia emosionál, fízika ka seksuál durante tinan ida ikus ne’e.¹ Iha rejiaun Pasífiku, tuir estimatisaun 40% husi labarik sira ho tinan 15 to’o 17 esperiéncia ona violénsia durante fulan sanulu-resin-rua ikus mai.² Revizaun sistemátika iha 2012 deskobre katak prevalénsia abuzu fíziku moderadu (n.e. baku, basa, ku’u ka baku labarik nia parte kotuk ho liman) entre 40 – 66% iha Ázia Orientál no Pasífiku.³ Violénsia kontra labarik kontribui ba númeru ema ne’ebé mate no ema ho defisiénsia, no iha impaktu ekonómiku ba sociedade.⁵

Durante ne’e, serbisu hodi fó atensaun ba Violénsia Kontra Feto (VKF) no violénsia kontra labarik (VKL) dala barak hala’o ketaketak. Maibé, iha evidénsia globál ne’ebé aumenta daudaun kona-ba intersesaun/koneksaun entre VKF no VKL, inklui fatór risku fundamentál sira ne’ebé hanesan, norma sosiál komún, ko-okorrénsia, no siklu abuzu husi jersaun ida ba jersaun tuir mai (Figura 1).

Maski nune’e, violénsia kontra labarik ne’e bele prevene. Peskiza globál ne’ebé hala’o durante dékada barak fornese koñesimentu kona-ba estratéjia no polítika importante ne’ebé hetan susesu hodi hapara violénsia kontra labarik molok violénsia ne’e hahú akontese, no fó resposta adekuaadu no apropriadu ba labarik sira ne’ebé hetan abuzu hodi hamenus konsekuénsia sira iha futuru.

Figura 1: Interseksaun no ligasaun sira entre VKF no VKL


Fonte: Fulu et al., 2017



Konklusaun xave husi *Estudu Levantamentu Baze kona-ba Saúde no Esperiéncia Moris kona-ba violéncia kontra labarik*

Violéncia kontra labarik akontese barak tebes iha Timor-Leste

Violéncia kontra labarik akontese barak tebes iha Timor-Leste. Tantu feto ka mane relata esperiéncia violéncia ho persentajen aas molok sai adultu. Entre feto hotu-hotu ne'ebé partisipa iha levantamentu, 90% relata pelumenus insidente ida kona-ba abuzu fíziku, abuzu seksuál ka abuzu emosionál no abandonu. Entre mane sira, 88% relata katak sira hetan pelumenus violéncia tipu ida durante infánsia.



Violéncia kontra labarik hasa'e risku atu hetan Violéncia husi Parseiru Íntimu (VPÍ) no halo Violéncia hasoru Parseiru Íntimu (VPÍ)

Feto no mane sira mós relata kazu barak kona-ba violéncia husi parseiru íntimu (VPÍ) no violéncia seksuál husi ema ne'ebé la'ós parseiru, sai nu'udar vítima no autór iha Timor-Leste. Porezemplu, entre feto sira ho tinan 18-49 ne'ebé uma vés iha parseiru (n.e. kaben ka namoradu), kuaze metade (48%) hetan VPÍ fíziku, 40% hetan VPÍ seksuál, 42% hetan VPÍ ekonómiku no 55% hetan VPÍ emosionál.

Prevaléncia VPÍ entre feto sira ne'ebé uma vés iha parseiru ho tinan 18-49 (n=1.094) (n=1,094)

VPÍ fíziku

48%

VPÍ seksuál

40%

VPÍ emosionál

55%

VPÍ ekonómiku

42%

Hahalok sira hodi kontrola

69%

VPÍ fíziku durante isin-rua

14%

Análize regresaun lojística ho multi-variável hatudu katak feto no mane ne'ebé relata kona-ba espozisaun ba violéncia durante infánsia mak asociadu ho esperiéncia violéncia oioin durante vida adultu.

Violéncia kontra labarik mak asociadu ho risku aas ba tipu VPÍ hotu-hotu nu'udar vítima ka autór, maski nivel asosiasaun ne'e diferente bazeia ba tipu VPÍ. Porezemplu, entre mane sira, ne'ebé hetan kualkér tipu violéncia durante infánsia iha probabilidade boot liu dala 6 hodi halo VPÍ fíziku no iha probabilidade boot liu dala tolu hodi halo VPÍ seksuál, bainhira kompara ho mane sira ne'ebé la hetan violéncia durante infánsia.

Violénsia kontra labarik hasa'e risku ba violasaun seksuál husi ema ne'ebé la'ós parseiru, nu'udar vítima ka autór

Feto no mane relata kona-ba violénsia durante sira-nia infánsia rasik mak asosiadu ho violasaun seksuál husi ema ne'ebé la'ós parseiru durante sira-nia moris, nu'udar vítima ka autór. Área espesífika husi violénsia durante infánsia (n.e., abuzu emocionál no abandonu, abuzu fíziku, no abuzu seksuál) iha asosiasaun maka'as no signifikativu ho feto-sira ne'ebé hetan violénsia seksuál husi ema ne'ebé la'ós parseiru – no mane sira ne'ebé halo violénsia seksuál ne'e. Feto no mane ne'ebé hetan maus-tratus ho tipu barak liu durante infánsia iha probabilidade boot liu atu hetan no/ka halo violénsia seksuál, husi ema ne'ebé la'ós parseiru.

Violénsia kontra labarik hasa'e probabilidade atu halo prátika kuida labarik ho maneira negativu

Espozisaun ba violénsia durante infánsia mak asosiadu ho prátika kuida labarik ho maneira negativu. Porezemplu, feto sira ne'ebé hetan violénsia durante infánsia iha probabilidade boot liu dala haat atu baku sira-nia oan rasik, kompara ho feto sira ne'ebé la hetan violénsia durante infánsia. Observasaun hatudu padraun hanesan ba mane sira. Mane sira ne'ebé hetan violénsia durante infánsia iha probabilidade boot liu dala tolu atu uza prátika kuida labarik ho maneira negativu ba sira-nia oan rasik.

Violénsia kontra labarik hasa'e probabilidade atu hatudu atitude jéneru ne'ebé deziguál

Feto no mane sira ne'ebé relata kona-ba violénsia durante infánsia mak asosiadu ho atitude jéneru ne'ebé deziguál husi feto no mane, porezemplu, sira fiar katak feto ida tenke halo tuir nia la'en ka feto ne'ebé hetan violénsia seksuál mak “merese duni”.

Violénsia kontra labarik hasa'e probabilidade atu hetan problema ho saúde

Espozisaun ba violénsia durante infánsia mak asosiadu ho saúde mentál ne'ebé ladún di'ak (feto no mane) no defisiénsia (ba feto de'it). Porezemplu, mane sira ne'ebé hetan violénsia durante infánsia iha probabilidade boot liu dala tolu atu relata sintoma estrese pós-traumátiku (PTSD) bainhira sai adultu, mezmuke konsidera espozisaun ba violénsia ne'ebé relasiona ho konflitu. Feto sira ne'ebé hetan violénsia durante infánsia iha probabilidade boot liu atu sente laran-susar/depresaun bainhira sai adultu, no iha probabilidade boot liu atu enfrenta difikuldade hodi halo atividade loroloron (n.e. la'o ain, haree, rona, sa'e eskada) kompara ho feto sira ne'ebé la hetan violénsia durante infánsia. Entre feto no mane, sira ne'ebé hetan violénsia durante infánsia iha probabilidade boot liu atu relata katak sira hanoin atu oho an kompara ho sira ne'ebé la hetan violénsia durante infánsia.

Feto sira ne'ebé hetan violénsia ruma durante infánsia iha probabilidade boot liu atu hetan rezultadu sira tuir mai, kompara ho feto sira ne'ebé la hetan violénsia durante infánsia:

Halo prátika kuida labarik ho maneira negativu

4

Defisiénsia/difikuldade atu halo atividade loroloron

2

Hanoín atu oho an

9

La'en iha hahalok sira hodi kontrola

4

VPÍ ekonómiku

3

VPÍ seksuál

4

VPÍ fíziku durante isin-rua

6

VPÍ fíziku

7

VPÍ emosionál

5

Mane sira ne'ebé hetan violénsia ruma durante infánsia iha probabilidade boot liu atu halo asaun sira tuir mai/hetan rezultadu sira tuir mai, kompara ho mane sira ne'ebé la hetan violénsia durante infánsia:

Halo prátika kuida labarik ho maneira negativu

3

Violasaun seksuál, envolve ema ne'ebé la'ós parseiru

3

VPÍ ekonómiku

7

VPÍ seksuál

3

VPÍ fíziku

VPÍ emosionál

9

Oinsá bele prevene violénsia kontra labarik?

Atu bele prevene violénsia kontra labarik no violénsia kontra feto tenke iha asaun no koordenasaun multi-setoriál hodi fó atensaun ba fatór risku ba violénsia iha nivel individuál, família, comunidade, no sosiál. Estratéjia sira hodi fó atensaun ba violénsia kontra labarik tenke uza abordajen krítika ba jéneru no durante moris tomak.

Informasaun tuir mai apresenta rezumu kona-ba rekursu no estratéjia xave sira hodi prevene no responde ba violénsia kontra labarik.

Pakote INSPIRE nu'udar kolaborasaun entre ajénsia oioin ne'ebé fó estratéjia hitu hodi hapara violénsia kontra labarik iha mundu tomak. Estratéjia sira ne'e inklui: (1) Implementa no aplika lei sira hodi kriminaliza tipu violénsia hotu-hotu kontra labarik; (2) Promove norma no valór sira hodi hamenus violénsia; (3) Kria ambiente sira ne'ebé seguru iha eskola, uma no iha comunidade sira; (4) Garante katak inan-aman no ema sira seluk ne'ebé fó kuidadu bele fó apoiu ba labarik sira ho idade hotu-hotu; (5) Intervensaun sira ne'ebé haforte rendimentu no situasaun ekonómika ba família no comunidade sira; (6) Servisu resposta no apoiu; no (7) Edukasaun no abilidade moris nian ba joven sira.

Centers for Disease Control and Prevention Technical Package on Preventing Child Abuse and Neglect fornese prioridade prinsipál lubuk ida hodi prevene abuzu ba labarik no abandonu no hamenus prevalénsia fatór risku sira ne'ebé asosiadu. Prioridade sira bazeia ba evidénsia ne'ebé disponivel kona-ba saida mak hetan susesu hodi prevene abuzu ba labarik no abandonu, liuliu iha kontestu sira ho rendimentu aas. Maibé, prioridade sira ne'e bele adapta ba kontestu sira ho rendimentu ki'ik. Prioridade sira ne'e inklui: hametin apoiu ekonómiku ba família; muda norma sosiál sira hodi apoia inan-aman no prátika kuidada labarik ho maneira pozitivu; forneshimentu kuidadu

ho qualidade di'ak no edukasaun primeira faze infánsia; hasa'e inan-aman nia abilidade hodi fornese labarik nia dezentvolvimentu saúde; no intervensaun sira hodi hamenus danu no hamenus risku ba labarik atu hetan abuzu no abandonu iha futuro.

Together for Girls' What Works to Prevent Sexual Violence against Children fornese rezumu kona-ba evidénsia globál ne'ebé eziste kona-ba intervensaun sira, liuliu hodi prevene violénsia seksuál hasoru labarik. Intervensaun sira ne'ebé efetivu inklui programa mobilizasaun comunidade hodi muda atitude, norma no hahalok ne'ebé relasiona ho violénsia; programa kuidada labarik hodi prevene violénsia entre namoradu/a adolexente; akonsellamentu no abordajen terapéutika ba vítima no autór labarik/joven; edukasaun kona-ba relasaun no edukasaun iha eskola no treinamentu kona-ba abilidade moris nian; no treinamentu kona-ba empoderamentu no defende an. Relatóriu ne'e mós subliña intervensaun sira ho evidénsia ne'ebé menus kona-ba avaliasaun, maibé hatudu possibilidade hodi prevene violénsia seksuál hasoru labarik.

The World Health Organization's School-based violence prevention: a practical handbook nu'udar rekursu ida hodi halo prevensaun no resposta adekua no apropriadu ba violénsia kontra labarik iha ambiente eskola. Estratéjia sira inklui prevene violénsia liuhosi atividade sira bazeia ba kurrikulu, treinamentu ba profesór, abordajen sira kona-ba resposta no mitigasaun, ambiente fízika ne'ebé seguru, no envolve inan-aman iha atividade sira hodi prevene violénsia.

Tipu intervensaun ne'ebé bele implementa iha Timor-Leste

Tabela tuir mai fornese informasaun liután kona-ba intervensaun bazeia ba evidénsia ne'ebé bele adapta no implementa iha Timor-Leste.

TIPU INTERVENSAUN	DESKRISAUN KONA-BA INTERVENSAUN	EZEMPLU PROGRAMA	ELEMENTU XAVE SIRA HODI GARANTE EFETIVIDADE
<i>Esforsu mobilizasaun ne'ebé baze iha comunidade ho objetivu atu muda atitude no norma sira ne'ebé relasiona ho evita violénsia no igualdade jéneru bele prevene violénsia tanba hamenus aseitasaun ba violénsia kontra feto no labarik.</i>	Normalmente inklui asaun atizizmu, kampaña, no asaun iha nivel comunidade.	Intervensaun SASA! hamosu redusaun 65% ba prevalénsia labarik ne'ebé haree VPÍ iha uma, no redusaun 52% entre feto sira ne'ebé hetan VPÍ fíziku iha tinan ida ikus mai.	Parese katak esforsu mobilizasaun sira ne'ebé baze iha comunidade mak efektivu liu bainhira implementa iha ambiente sira ho lejizlasaun forte kona-ba protesau no treinamentu abilidade moris nian ba adolexente no joven. ⁹
Programa treinamentu abilidade moris nian ba joven mane no feto bele hasa'e labarik sira-nia asesu ba oportunidade sira ne'ebé efektivu, ho igualdade jéneru, no aprendizajen transformativa. ¹⁰	Treinamentu abilidade moris nian bele implementa iha sala aula ka eskola, ka liuhosi grupu sentru komunitária ka grupu adolexente nian. Programa sira bele envolve mentoría, treinamentu koñesimentu finanseiru, no aprendizajen emosional-sosiál.	Inisiativa sira hanesan Empoderamentu no Maneira Buka Moris ba Adolexente sira ne'ebé integra abilidade moris nian no koñesimentu finanseiru hodi promove empoderamentu sosiál no ekonómiku. ¹¹	Programa abilidade moris nian ne'ebé multifasetadu bele hamenus joven sira-nia hahalok agresivu no disruptiva, no mós hamenus labarik-feto ne'ebé kaben sedu no adolexente ne'ebé isin-rua cedu. ^{12, 13}
Apoiu no treinamentu ba inan-aman no ema seluk ne'ebé fó kuidadu, bele ajuda hodi subliña importánsia kona-ba dixiplina ne'ebé pozitivu, sein violénsia iha relasaun entre labarik no inan-aman no promove dezvoltamentu labarik ne'ebé saudavel.	Programa hodi vizita uma ba labarik iha primeira faze infánsia bele fó informasaun no apoiu kona-ba labarik sira-nia saúde no dezvoltamentu ba inan-aman no ema hirak ne'ebé fó kuidadu durante períodu importante iha labarik sira-nia dezvoltamentu. Enfermeira ka traballador saúde komunitaria ne'ebé treinadu bele hala'o programa vizita ba uma, ne'e bele hahú durante isin-rua ka depoizde tuur-ahi. Intervensaun hodi fó treinamentu no apoiu ba inan-aman no ema seluk ne'ebé fó kuidadu bele asegura inan-aman hodi kontrola hahalok, uza prátika kuida labarik ho maneira pozitivu, no kompeténsia komunikasaun efektivu entre inan-aman no labarik. Bele hala'o programa sira ba grupu ka iha kontestu comunidade.	Parents/Families Matter! , intervensaun ne'ebé bazeia iha comunidade, ho objetivu atu promove prátika kuida labarik ho maneira pozitivu no estratéjia ba komunikasaun efektivu entre labarik no inan-aman, no inklui módulu hodi hasa'e inan-aman nia konxiénsia kona-ba abuzu seksuál hasoru labarik. ¹⁴	Programa sira hodi vizita uma durante primeira faze infánsia mak efektivu tebes hodi hamenus abuzu ba labarik no abandonu, maski evidénsia barak mai husi nasaun sira ho rendimentu aas. ^{15, 16} Intervensaun hodi fó treinamentu no apoiu ba inan-aman mak efektivu hodi hamenus prátika kuida labarik ne'ebé abuzivu ka negligente. ¹⁷ Programa kuida labarik tenke adapta ba faze ida-idak husi labarik nia dezvoltamentu.
Inisiativa sira hodi hametin rendimentu no situasaun ekonómika ho objetivu hodi hadi'ak família nia seguransa no estabilidade ekonómika mak efektivu hodi hamenus violénsia kontra labarik no violénsia husi parseiru íntimu iha nasaun sira ho rendimentu ki'ik-médiu.	Intervensaun sira bele inklui transferénsia osan, no programa multifasetada, inisiativa sira hodi integra poupanza, empréstimu ka mikro-finansas ho treinamentu kona-ba igualdade jéneru. ¹⁸		Iha nasaun sira ho rendimentu-aas, política sira hodi garante apoiu ba labarik, kréditu impostu no asisténsia uma nian ba família sira ho rendimentu-ki'ik mak efektivu hodi hamenus abuzu ba labarik no abandonu. ¹⁹
Importante tebes hodi estabelese ambiente eskola ne'ebé seguru no favoravel hodi hamenus violénsia kontra labarik ne'ebé komete husi administrador no pesoál eskola/profesór/a sira, no mós kolega eskola grupu tuir otas (n.e. intimidasaun iha eskola).	Intervensaun sira bele inklui treinamentu ba profesór no pesoál eskola kona-ba harii relasaun pozitivu entre estudante no pesoál, no promove interasaun pozitivu entre GTO/ kolega eskola sira.	Raising Voices, the Good School Toolkit	Intervensaun sira ne'ebé bazeia iha eskola mak efektivu hodi hamenus intimidasaun iha eskola no pesoál ne'ebé halo abuzu fíziku ba labarik. ²⁰
Resposta no apoiu ne'ebé fó ba vítima labarik mak importante atu bele minimiza konsekuénsia violénsia kona-ba risku atu hetan violénsia iha futuru no mós promove vítima sira-nia saúde no bein-estar em jerál.	Servisu báziku sira, inklui kuidadu saúde emerjénsia ba vítima violénsia, sai nu'udar prioridade. Depoizde estabelese servisu báziku sira, presiza servisu no mekanizmu ne'ebé foka ba labarik ho nune'e labarik sira bele opsaun seluk no apoiu. Abordajen terapéutika sira ne'ebé konsidera informasaun trauma nian bele efektivu hodi hamenus sintoma trauma no hadi'ak saúde fízika no psikolójika ba tempu naruk entre labarik sira ne'ebé hetan violénsia. Servisu sira bele integradu iha sentru saúde komunitária, uma mahon ba vítima violénsia doméstika, no implementa husi fornecedor kuida saúde ne'ebé treinadu.		Asesu ba servisu apoiu ho qualidade aas ba saúde, seguransa sosiál no justisa kriminal bele hamenus konsekuénsia sira husi violénsia ba tempu naruk.

Prioritizasaun no sekuénsia ne'ebé rekomenda

Bazeia ba estudu ne'e, tenke fó atensaun ba área prioridade sira tuir mai. Ami inklui rekomendasaun sira ba prioridade tempu badak no tempu naruk nian. Prioridade tempu badak representa "solusaun simples" ka área sira ne'ebé presiza atensaun imediata (tinan 1-3), enkuantu prioridade tempu naruk refere ba estratéjia sira ne'ebé presiza tempu hodi estabesele no implementa (tinan 4-10).

Prioridade prevensaun violénsia durante tempu badak

- Integra treinamentu abilidade moris nian, pratika kuida labarik ho maneira pozitivu, no abordajen edukasaun inisiál no esforsu hasae sensibilizasaun ba iha inisiativa dezvoltamentu (n.e., Halao nafatin programa kona-ba saúde inan no labarik, intervensaun kona-ba hadi'ak situasaun ekonómika).
- Foka ba intervensaun espesífika sira hodi prevene violénsia seksuál hasoru labarik sira, tantu labarik-mane ka labarik-feto. Revizaun foin daudaun kona-ba evidénsia deskreve intervensaun sira ne'ebé efetivu hodi bele adapta, intervensaun hirak-ne'e deskreve iha leten.
- Apoia akonsellamentu no abordajen terapéutika ba vítima labarik ne'ebé bazeia ba informasaun trauma nian, apropriadu ba idade no rekoñese padraun violénsia durante sira-nia moris tomak, inklui esposizaun ba trauma relasiona ho konflitu. Abordajen hirak-ne'e bele integra iha servisu violénsia doméstika ne'ebé eziste ona ba feto sira, ka programa kuidadu saúde ba labarik sira husi grupu idade oioin.

Prioridade prevensaun violénsia durante tempu naruk

- Dezenvolve intervensaun sira hodi fó atensaun abranjente ba ambiente iha uma laran no ambiente ne'ebé apoia violénsia nu'udar asuntu globál, no serbisu hamutuk ho família sira hodi promove prátika kuida labarik ne'ebé pozitivu. Intervensaun sira ne'ebé foka ba inan-aman ka ema sira ne'ebé fó kuidadu bele interrompe/harahun siklu abuzu fíziku ba labarik husi jersaun ida ba jersaun tuir mai.
- Dezenvolve no implementa intervensaun sira ne'ebé foka hodi rezolve asuntu dezigualdade jéneru, normalizasaun ba violénsia durante ema nia moris tomak, no transforma mane sira-nia poder hodi kontrola feto no labarik sira. Rekomenda atu uza intervensaun sira bazeia ba evidénsia no perspetiva feminista, ne'ebé adapta intervensaun sira ne'ebé identifika tiha ona nu'udar intervensaun efetiva (porezemplu, iha Enkuadramentu RESPEITU) ba kontestu Timor-Leste. Ida-ne'e bele inklui:
 - Apoia movimentu feminista no lider sira hodi halo advokasia ba mudansa lejizlativu no normativu iha sosiedade
 - Programa mobilizasaun sira ne'ebé baze iha comunidade hanesan SASA!
 - Intervensaun bazeia ba relijiaun hodi promove igualdade jéneru
 - Intervensaun sira iha eskola hodi promove relasaun bazeia ba respeito no edukasaun seksualidade ne'ebé abranjente
 - Foka ba mane no labarik-mane hodi dezafia estereótipu, maskulinidade tóksika/perigosu, no norma sira ne'ebé justifika violénsia

Pasu sira tuir mai

REKOMENDASAUN SIRA TUIR MAI SEI INFORMA ESFORSU SIRA IHA FUTURU, INKLUI HUSI DOADÓR SIRA, NASOINS UNIDAS NO GOVERNUN HODI DEZENVOLVE INTERVENSAUN MULTIFASETADA NE'EBÉ EFETIVU BA TEMPUN NARUK HODI PREVE NE VIOLÉNSIA KONTRA LABARIK NO VIOLÉNSIA KONTRA FETO IHA TIMOR-LESTE.



Hasa'e peskiza transversal no longitudinal hodi identifika oinsá bele hahú intervensaun efetiva hodi prevene violéncia kontra labarik no violéncia kontra feto iha Timor-Leste.

Utiliza parseria sira ne'ebé eziste daudaun hodi integra estratéjia prevensaun violéncia ba atividade no inisiativa dezvoltamentu oioin. Porezemplu, inisiativa estabilizasaun ekonómika, programa saúde seksuál no saúde reprodutiva, hanorin ema sira ne'ebé fó kuida no komunidade sira kona-ba labarik sira-nia dezvoltamentu, programa harii kompeténsia, esforsu edukasaun pré-eskola ba labarik sira).

Halo mapeamentu ba programasaun feto no labarik sira-nia saúde no bein-estar iha Timor-Leste hodi identifika oportunidade foun hodi integra abordajen prevensaun violéncia iha intervensaun sira ne'ebé lao dadaun.

Hametin kapasidade husi setór prevensaun violéncia no protesaun ba labarik hodi fó atensaun ba interseksaun sira entre violéncia kontra feto no violéncia kontra labarik, no uza abordajen sira ne'ebé konsidera jéneru, trauma no direitu sira. Importante tebes hodi hasa'e komprensaun kona-ba labarik sira-nia dezvoltamentu no impaktu husi trauma no violéncia, no mós rekoñese labarik nu'udar individuu ho kapasidade no autonomia ne'ebé eziste iha sira nia família unidade nia li'ur.

Halo peskiza monitorizasaun no avaliasaun hodi avalia didi'ak efektividade husi intervensaun sira hodi prevene no responde ba violéncia kontra labarik iha Timor-Leste.

Kria rede no diálogo sira hodi koordena no serbisu hamutuk ho parte interesada oioin husi komunidade sira, governu, sosiedade sivil no doadór kona-ba prioridade no estratéjia sira kona-ba prevensaun violéncia ho foku partikulár hodi hasai barreira sira hodi fó atensaun ba violéncia kontra feto no violéncia kontra labarik.

Identifika oportunidade sira ba kolaborasaun Sul-Sul no aprende hodi adapta intervensaun efetiva sira ne'ebé fó atensaun ba violéncia no/ka fatór risku sira ne'ebé asosiadu (n.e., kapasidade finanseira, edukasaun seksualidade ne'ebé abranjente) iha kontestu Timor-Leste.

Referéncia

¹ Hillis, S., Mercy, J., Amobi, A., & Kress, H. (2016). Global prevalence of past-year violence against children: A systematic review and minimum estimates. *Paediatrics*, 137(3).

² Hillis, S., Mercy, J., Amobi, A., & Kress, H. (2016). Global prevalence of past-year violence against children: A systematic review and minimum estimates. *Paediatrics*, 137(3).

³ Fry, D 2012, *Child maltreatment: Prevalence, incidence and consequences in the East Asia and Pacific Region*. Bangkok: UNICEF.

⁴ Hughes K, Bellis MA, Hardcastle KA, Sethi D, Butchart A, Mikton C, Jones L, Dunne MP. The effect of multiple adverse childhood experiences on health: a systematic review and meta-analysis. *Lancet Public Health*. 2017 Aug;2(8):e356-e366.

⁵ Fang X, Fry DA, Brown DS, Mercy JA, Dunne MP, Butchart AR, Corso PS, Maynzyuk K, Dzhygyr Y, Chen Y, McCoy A, Swales DM. The burden of child maltreatment in the East Asia and Pacific region. *Child Abuse Negl*. 2015 Apr;42:146-62.

⁶ All analyses presented in this section considered variation in men and women's schooling, household wealth, and age. Analysis of men's PTSD also accounted for men's exposure to conflict-related violence.

⁷ Kyegombe N, Abramsky T, Devries KM, Michau L, Nakuti J, Starmann E, Musuya T, Heise L, Watts C. (2015). What is the potential for interventions designed to prevent violence against women to reduce children's exposure to violence? Findings from the SASA! study, Kampala, Uganda. *Child Abuse Neglect*: 50:128-40.

⁸ Abramsky, T., Devries, K., Kiss, L. et al. (2014). Findings from the SASA! Study: a cluster randomized controlled trial to assess the impact of a community mobilization intervention to prevent violence against women and reduce HIV risk in Kampala, Uganda. *BMC Med* 12, 122.

⁹ WHO 2016. *INSPIRE: Seven strategies for Ending Violence against Children*

¹⁰ WHO 2016

¹¹ WHO 2016; Bandiera, Oriana, Niklas Buehren, Robin Burgess, Markus Goldstein, Selim Gulesci, Imran Rasul, and Munshi Sulaiman. 2020. "Women's Empowerment in Action: Evidence from a Randomized Control Trial in Africa." *American Economic Journal: Applied Economics*, 12 (1): 210-59.

¹² Bandiera et al. 2020.

¹³ Shek, Daniel T.L. and Ma, Cecilia M.S. "Impact of Project P.A.T.H.S. on adolescent developmental outcomes in Hong Kong: findings based on seven waves of data: " *International Journal of Adolescent Medicine and Health*, vol. 24, no. 3, 2012, pp. 231-244

¹⁴ WHO 2016.

¹⁵ WHO 2016.

¹⁶ Fortson, B, et al. 2016. *Preventing Child Abuse and Neglect: A Technical Package for Policy, Norm and Programmatic Activities*. Atlanta, GA: Centers for Disease Control and Prevention.

¹⁷ WHO 2016. Fortson et al. 2016.

¹⁸ WHO 2016.

¹⁹ Fortson et al. 2016.

²⁰ WHO 2016.

²¹ Ligiero, D., Hart, C., Fulu, E., Thomas, A., & Radford, L. (2019). What works to prevent sexual violence against children: Executive Summary. Together for Girls. www.togetherforgirls.org/svsolutions



THE EQUALITY
INSTITUTE